



ԱՐՅԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

10 հոկտեմբերի 2017 թ.

N 39-Ն

ք.Ստեփանակերտ

ԱՐՅԱԽԻ ՀԱՆՐԱՊԵՏՈՒԹՅՈՒՆՈՒՄ ՀԵՏԱԳԱ ՇԱՀԱԳՈՐԾՄԱՆ ՀԱՄԱՐ ՈՉ ՊԻՏԱՆԻ ԱՆԱՄՆԱԳԵՐԵԶՄԱՆՈՑՆԵՐԻ ՓԱԿՄԱՆ ԿԱՐԳԸ ՍԱՀՄԱՆԵԼՈՒ ՄԱՍԻՆ

Հիմք ընդունելով «Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածը՝ Արցախի Հանրապետության կառավարությունը **ո Ր Ո Շ ՈՒ Մ է**.

1. Սահմանել Արցախի Հանրապետությունում հետագա շահագործման համար ոչ պիտանի անասնագերեզմանոցների փակման կարգը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

«Հաստատում եմ»

**ԱՐՅԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ**

Բ.ՍԱՀԱԿՅԱՆ

Կ Ա Ր Գ

**ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՀԵՏԱԳԱ ՇԱՀԱԳՈՐԾՄԱՆ ՀԱՄԱՐ ՈՉ ՊԻՏԱՆԻ
ԱՆԱՍՆԱԳԵՐԵԶՄԱՆՈՅՆԵՐԻ ՓԱԿՄԱՆ**

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են Արցախի Հանրապետության տարածքում գտնվող և հետագա շահագործման համար ոչ պիտանի անասնագերեզմանոցների (այսուհետ՝ անասնագերեզմանոց) փակման նպատակով իրականացվող միջոցառումների (այսուհետ՝ միջոցառում) հետ կապված հարաբերությունները:

2. Միջոցառման նպատակներն են՝

1) անասնագերեզմանոցի տարածքում կենսաբանական թափոնների չթույլատրված թաղման կանխարգելումը և որպես հետևանք մարդկանց և կենդանիների համար ընդհանուր հիվանդություններով վարակման կանխումը.

2) շրջակա միջավայրի պաշտպանությունը աղտոտումներից:

3. Սույն կարգի իմաստով անասնագերեզմանոց են համարվում կենսաբանական թափոնների վերամշակման համար օգտագործվող կենսաջերմային և (կամ) հողային հորերը, մետաղյա տարողությունները, Բեկարի հորերը, որոնց հետագա օգտագործումը այդ նպատակով աննպատակահարմար է՝ սանիտարապաշտպանիչ գոտու խախտման, կենսաջերմային հորի շահագործման կանոնների խախտման հանգամանքներից էլնելով:

II. ՄԻՋՈՑԱՌՈՒՄՆԵՐԻ ԿԱԶՄԱԿԵՐՊՈՒՄԸ

4. Արցախի Հանրապետության գյուղատնտեսության նախարարությունը (այսուհետ՝ նախարարություն) համակարգում և վերահսկողություն է իրականացնում միջոցառման իրականացման գործընթացի նկատմամբ:

5. Արցախի Հանրապետության անասնաբուժական սպասարկման կայանները (այսուհետ՝ կայաններ)՝ նախարարության կողմից սահմանած ժամկետում նախարարություն են ներկայացնում տեղեկություններ՝ նշելով համայնքը, այն տեղամասը, որտեղ գտնվում է անասնագերեզմանոցը, հնարավորության դեպքում այն իրավաբանական կամ ֆիզիկական անձանց տվյալները (իրավաբանական անձի դեպքում անվանումը, ֆիզիկական անձի դեպքում անունը, ազգանունը, հայրանունը, անձնագրային տվյալները) որոնց սեփականության կամ այլ իրավունքով պատկանող հողատարածքի վրա է տեղակայված անասնագերեզմանոցը:

6. Միջոցառումը ներառում է երեք փուլեր՝

1) **առաջին փուլ**՝ անասնագերեզմանոցի գրանցումը և հողատարածքի, որի վրա գտնվում է անասնագերեզմանոցը, սեփականատիրոջ կամ տիրապետողի կամ օգտագործողի պարզումը,

2) **երկրորդ փուլ**՝ անասնագերեզմանոցի անասնաբուժասանիտարական հետազոտությունը, սիբիրախտի հարուցչի առկայությունը պարզելու նպատակով հողի և անասնագերեզմանոցի նստվածքի լաբորատոր փորձաքննությունը,

3) **երրորդ փուլ**՝ անասնագերեզմանոցի փակումը:

**III. ԱՆԱՍՆԱԳԵՐԵԶՄԱՆՈՅԻ ԳՐԱՆՅՈՒՄԸ ԵՎ ՀՈՂԱՏԱՐԱԾՔԻ, ՈՐԻ ՎՐԱ ԳՏՆՎՈՒՄ
Է ԱՆԱՍՆԱԳԵՐԵԶՄԱՆՈՅԸ, ՍԵՓԱԿԱՆԱՏԻՐՈՋ ԿԱՄ ՏԻՐԱՊԵՏՈՂԻ ԿԱՄ
ՕԳՏԱԳՈՐԾՈՂԻ ՊԱՐԶՈՒՄԸ**

7. Անասնագերեզմանոցի գրանցումը, հաշվառումը և հաստատումն իրականացվում է նախարարության կողմից անասնագերեզմանոցների համաճարակաբանական մատյանում կայանների ներկայացրած համապատասխան տեղեկությունների հիման վրա:

8. Նախարարությունը միջոցներ է ձեռնարկում հողատարածքի սեփականատիրոջը կամ տիրապետողին կամ օգտագործողին պարզելու ուղղությամբ, հողի նպատակային նշանակության և դրա նկատմամբ իրավունքների պարզման նպատակով հարցում է կատարում պետական և տարածքային կառավարման մարմիններին, որոնք հարցումը ստանալուց հետո մեկշաբաթյա ժամկետում նախարարություն են ներկայացնում անհրաժեշտ տեղեկությունները:

9. Նախարարությունը կազմում և հաստատում է անասնագերեզմանոցի փակման համար անհրաժեշտ աշխատանքների ծավալները և դրանց իրականացման գրաֆիկը:

**IV. ԱՆԱՍՆԱԳԵՐԵԶՄԱՆՈՅԻ ԱՆԱՍՆԱԲՈՒԺԱՍԱՆԻՏԱՐԱԿԱՆ ՀԵՏԱԶՈՏՈՒԹՅՈՒՆԸ,
ՍԻԲԻՐԱԽՏԻ ՀԱՐՈՒՅՉԻ ԱՌԿԱՅՈՒԹՅՈՒՆԸ ՊԱՐԶԵԼՈՒ ՆՊԱՏԱԿՈՎ ՀՈՂԻ ԵՎ
ԱՆԱՍՆԱԳԵՐԵԶՄԱՆՈՅԻ ՆՍՏՎԱԾՔԻ ԼԱԲՈՐԱՏՈՐ ՓՈՐՁԱՔՆՆՈՒԹՅՈՒՆԸ**

10. Անասնագերեզմանոցը ենթարկվում է անասնաբուժասանիտարական հետազոտության, սիբիրախտի հարուցչի առկայությունը պարզելու նպատակով հողի և անասնագերեզմանոցի նստվածքի լաբորատոր փորձաքննության՝ դրանց անասնաբուժասանիտարական վտանգավորությունը (անվտանգությունը) պարզելու համար:

11. Անասնագերեզմանոցի անասնաբուժասանիտարական հետազոտությունը իրականացվում է կայանների տնօրենների հրամաններով ստեղծված հանձնաժողովների կողմից՝ նախարարության հետ նախնական համաձայնեցումից հետո:

12. Հանձնաժողովի կազմում ընդգրկվում են՝

1) մեկ ներկայացուցիչ նախարարության անասնաբուժության գծով ստորաբաժանումից.

2) այն կայանի ներկայացուցիչները, որի գործունեության տարածքում գտնվում է փակման ենթակա անասնագերեզմանոցը.

3) այն համայնքի ներկայացուցիչը, որի տարածքում գտնվում է փակման ենթակա անասնագերեզմանոցը, իսկ համայնքի վարչական սահմաններից դուրս գտնվող անասնագերեզմանոցի դեպքում՝ համապատասխան շրջանի վարչակազմի ներկայացուցիչը.

4) այն անձը կամ տնտեսավարող սուբյեկտի ներկայացուցիչը, որին սեփականության կամ այլ իրավունքով պատկանում է այն հողատարածքը, որի վրա գտնվում է փակման ենթակա անասնագերեզմանոցը:

13. Անասնագերեզմանոցի անասնաբուժասանիտարական հետազոտության արդյունքների հիման վրա կազմվում է հետագա շահագործման համար ոչ պիտանի անասնագերեզմանոցի անասնաբուժասանիտարական հետազոտության ակտ՝ համաձայն N 1 ձևի:

14. Սիբիրախտի հարուցչի առկայությունը պարզելու նպատակով հողի և անասնագերեզմանոցի նստվածքի լաբորատոր փորձաքննությունն իրականացվում է անասնաբուժության ոլորտում պետական հավատարմագրված լաբորատորիայի կողմից՝ Արցախի Հանրապետության օրենսդրությանը համապատասխան: Հողում և անասնագերեզմանոցի նստվածքում սիբիրախտի հարուցչի առկայության դեպքում համաճարակաբանական մատյանում կատարվում է համապատասխան նշում:

V. ԱՆԱՍՆԱԳԵՐԵԶՄԱՆՈՅԻ ՓԱԿՈՒՄԸ

15. Անասնագերեզմանոցի փակման հետ կապված միջոցառումներն իրականացվում են նախարարության կողմից պետական բյուջեի միջոցների հաշվին՝ «Գնումների մասին» Արցախի Հանրապետության օրենքով սահմանված կարգով:

Անասնագերեզմանոցներով զբաղված հողատարածքներում հողաշինարարություն չի իրականացվում:

16. Անասնագերեզմանոցի փակումն իրականացվում է՝

1) լիազոր մարմնի կողմից սահմանված անասնաբուժական հսկողության ենթակա օբյեկտների ախտահանման և վարակազերծման պահանջներին համապատասխան անասնագերեզմանոցի ախտահանման միջոցով:

2) մակերեսային կառույցների ապամոնտաժման միջոցով՝ դրանց առկայության դեպքում:

3) կենսաջերմային և հողային հորերը, մետաղյա տարողությունները, բլուրները և խրամատները հողով ծածկելու միջոցով:

4) օբյեկտի ողջ մակերեսի երկայնքով կենտրոնում երկու մետրից ոչ պակաս բարձրությամբ հողային բլուրի բարձրացման և այդ բլուրի վրա «Փակ անասնագերեզմանոց» մետաղյա ցուցանակի տեղադրման միջոցով:

5) փորձաքննության ենթարկված հողում և նստվածքում սիբիրախտի հարուցչի առկայության, ինչպես նաև նախկինում սիբիրախտով հիվանդ կենդանիների թաղման դեպքում օբյեկտի ողջ մակերեսի երկայնքով եզրերում 0,4 մետր, իսկ կենտրոնում 0,8 մետր բարձրությամբ բետոնե գմբեթի հիմնման և «Սիբիրախտ» մետաղյա ցուցանակի տեղադրման միջոցով:

17. Անասնագերեզմանոցի փակումն իրականացվում է շրջակա միջավայրի պահպանության ոլորտի լիազոր մարմնի՝ շրջակա միջավայրի վրա ազդեցության փորձաքննության, դրական եզրակացությունը ստանալուց հետո:

18. Անասնագերեզմանոցի փակման կապակցությամբ կատարվող աշխատանքների ավարտից հետո նախարարության և անասնագերեզմանոցի փակման աշխատանքներն իրականացնող կազմակերպության կողմից կազմվում է հետագա շահագործման համար ոչ պիտանի անասնագերեզմանոցի փակման ակտը՝ համաձայն N 2 ձևի, և համապատասխան նշում է կատարվում համաճարակաբանական մատյանում:

Անասնագերեզմանոցի փակման մասին տեղեկությունները հինգ աշխատանքային օրվա ընթացքում ուղարկվում են այն համայնքին, որի տարածքում գտնվում է անասնագերեզմանոցը, իսկ համայնքի վարչական սահմաններից դուրս գտնվող անասնագերեզմանոցի դեպքում՝ համապատասխան շրջանի վարչակազմին և հողամասի սեփականտիրոջը կամ տիրապետողին կամ օգտագործողին:

19. Կայանները ոչ պակաս, քան տարին երկու անգամ իրականացնում են փակված անասնագերեզմանոցի անասնաբուժասանիտարական վիճակի հետազոտություն, ինչի մասին համապատասխան նշում է կատարվում համաճարակաբանական մատյանում:

VI. ԱՆԱՍՆԱԳԵՐԵԶՄԱՆՈՅԻ ԼԻԿՎԻԴԱՑՈՒՄԸ

20. Փակ անասնագերեզմանոցները, որոնցում վերջին թաղման ժամկետը կենսաջերմային հորի դեպքում ոչ պակաս քան երկու տարի է, իսկ հողային հորի դեպքում՝ ոչ պակաս, քան 25 տարի, ենթակա են լիկվիդացման: Անասնագերեզմանոցները, որոնցում թաղվել կամ այրվել են սիբիրախտի հետևանքով անկաճ կենդանիները, թաղման վաղեմության ժամկետից անկախ լիկվիդացման ենթակա չեն:

21. Բոլոր լիկվիդացված անասնագերեզմանոցները Արցախի Հանրապետության գյուղատնտեսության նախարարի հրամանի հիման վրա հանվում են անասնաբուժական հաշվառումից, ինչի մասին նշում է կատարվում համապատասխան անասնագերեզմանոցի համաճարակաբանական մատյանում: Լիկվիդացված անասնագերեզմանոցի անասնաբուժական հաշվառումից հանման մասին տեղեկությունները անասնաբուժական հաշվառումից հանելուց երկշաբաթյա ժամկետում ուղարկվում են նախարարություն, այն համայնքին, որի տարածքում

գտնվում է անասնազերեզմանոցը, իսկ համայնքի վարչական սահմաններից դուրս գտնվող անասնազերեզմանոցի դեպքում՝ համապատասխան շրջանի վարչակազմին, բնակչության սանիտարահամաճարակային անվտանգության ապահովումն և շրջակա միջավայրի պահպանությունն իրականացնող լիազոր պետական մարմիններին:

22. Լիկվիդացված անասնազերեզմանոցի տարածքի հետագա օգտագործումն իրականացվում է Արցախի Հանրապետության օրենսդրությանը համապատասխան:

**ԱՐՅԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ-ԱՇԽԱՏԱԿԱԶՄԻ
ՂԵԿԱՎԱՐԻ ԱՌԱՋԻՆ ՏԵՂԱԿԱԼ**

Ա.

ԼԱԶԱՐՅԱՆ

ԱԿՏ

Հետագա շահագործման համար ոչ պիտանի անասնազերեզմանոցի անասնաբուժասանիտարական հետազոտության

«___» _____ 20__թ.

Հետազոտության անցկացման վայրը _____

(շրջանի և (կամ) համայնքի անվանումը)

Հանձնաժողովի կազմը

1. _____
(ազգանուն, անուն, հայրանուն, պաշտոնը)
2. _____
(ազգանուն, անուն, հայրանուն, պաշտոնը)
3. _____
(ազգանուն, անուն, հայրանուն, պաշտոնը)
4. _____
(ազգանուն, անուն, հայրանուն, պաշտոնը)
5. _____
(ազգանուն, անուն, հայրանուն, պաշտոնը)

Իրականացրել ենք _____-ից _____ ուղղությամբ
(բնակավայր)

_____ կիրվետր հեռավորության վրա գտնվող անասնազերեզմանոցի անասնաբուժասանիտարական հետազոտությունը, գրանցման համարը _____:

Հողատարածքի կադաստրային համարը (առկայության դեպքում) _____: հողատարածքի մակերեսը _____ քառակուսի մետր, ինչը հաստատվում է ցանկապատով, խրամատով, աշխարհագրական կոորդինատներով (անհրաժեշտն ընդգծել):

Այլ կողմնորոշիչներ (եթե առկա են) _____

Ցանկապատման տեսքը _____

(նշել ցանկապատման տեսակը և նյութը, որից պատրաստված է, դարպասների առկայությունը) Խրամատի չափսերը՝ երկարությունը _____ մետր, լայնությունը _____ մետր, խորությունը _____ մետր:

Քայլուղու առկայությունը

առկա է, առկա չէ
(անհարժեշտն ընդգծել)

Անասնազերեզմանոցում կենսաբանական թափոնների ոչնչացումն իրականացվել է այրման, հողային հորում թաղման, կենսաբանական խցում թաղման միջոցով (անհարժեշտն ընդգծել):

Կենսաբանական խուցն իրենից ներկայացնում է մետաղյա տարողություն, փայտաշեն տնակ, աղյուսից (բետոնե) փոս (անհարժեշտն ընդգծել):
Կենսաբանական խուցի չափսերը, երկարություն _____ մետր, լայնություն _____ մետր, խորություն _____ մետր, ծավալը (մետաղյա տարողության համար) _____ խորանարդ մետր:

Կափույր _____
(նշել առկայությունը (տրամագիծը և բարձրությունը))

Հովանոցի առկայությունը _____
(նշել առկայությունը (երկարությունը, լայնությունը, բարձրությունը))

Դիահերձարանի առկայությունը _____ առկա է, առկա չէ
(անհարժեշտն ընդգծել)

Կենսաբանական թափոնների առաջին թաղումն իրականացվել է _____ թվականին:

Կենսաբանական թափոնների վերջին թաղումն իրականացվել է _____ թվականին:

Անասնագերեզմանոցում վարակված կամ ախտոտված կենսաբանական թափոնների առկայությունը _____ եղել են, չեն եղել
(անհարժեշտն ընդգծել)

ինչը հաստատվում է _____
(անասնաբուժական սպասարկման կայանի անվանումը)

_____ տեղեկությամբ:
(տեղեկության աղբյուրը)

Հողի և անասնագերեզմանոցի նստվածքում սիբիրախտի առկայության նմուշները վերցրված են և լաբորատոր փորձաքննության համար ուղարկված _____

_____ (թույլտվություն ունեցող կազմակերպության անվանումը)

Հանձնաժողովի անդամներ

_____ (Ա.Ա.Հ.)

_____ (ստորագրություն)

_____ (Ա.Ա.Հ.)

_____ (ստորագրություն)

_____ (Ա.Ա.Հ.)

_____ (ստորագրություն)

_____ (Ա.Ա.Հ.)

_____ (ստորագրություն)

_____ (Ա.Ա.Հ.)

_____ (ստորագրություն)

ԱԿՏ

Հետագա շահագործման համար ոչ պիտանի անասնագերեզմանոցի փակման

«___»_____ 20__ թ.

Հետագա շահագործման համար ոչ պիտանի անասնագերեզմանոցների փակման կարգին համապատասխան և պետության կարիքների համար աշխատանքների իրականացման առ _____ N _____ պայմանագրի հիման վրա, իրականացվել է _____-ից _____ ուղղությամբ
(բնակավայր)

_____ կիլոմետր հեռավորության վրա գտնվող _____ կադաստրային համարով (առկայության դեպքում) հողատարածքում տեղակայված _____ համաճարակաբանական մատյանի համարով անասնագերեզմանոցի զննումը, հողում և անասնագերեզմանոցի նստվածքում սիբիրախտի առկայության պարզման նպատակով նմուշները լաբորատոր փորձաքննության են ենթարկվել կողմից:

(կազմակերպության անվանումը)

Հետազոտության արդյունքները հաստատվել են _____ կայանի տնօրենի կողմից 20__ թվականի _____-ի N _____ հրամանով ստեղծված հանձնաժողովի կողմից:

Անասնագերեզմանոցի փակումն իրականացվել է՝

Հ/Հ	Աշխատանքի անվանումը	Չափման միավորը	Քանակը

_____ (պաշտոնը)	_____ (ստորագրություն)	_____ (Ա.Հ.ազգանուն)
_____ (պաշտոնը)	_____ (ստորագրություն)	_____ (Ա.Հ.ազգանուն)
_____ (պաշտոնը)	_____ (ստորագրություն)	_____ (Ա.Հ.ազգանուն)